

অষ্ট্রেলিয়ান মুসলিম ওয়েলফেয়ার সেন্টারের বার্ষিক সাধারণ সভা ২০১০-১১ইং সম্পন্ন

আতিকুর রহমান ॥ অষ্ট্রেলিয়ান মুসলিম ওয়েলফেয়ার সেন্টার উদ্যোগে গত ২৬ ফেব্রুয়ারী Sarah Redfern High School Hall এ বিকালে অনুষ্ঠিত হয়েছে বার্ষিক সাধারণ সভা ২০১০-১১ইং। সভায় সভাপতিত্ব করেন সংগঠনের সভাপতি মোফাজ্জল হোসেন ভূইয়া। সভা পরিচালনা করেন সাধারণ সম্পাদক ড. আনিসুল আফছার। প্রথমেই কোরআন তেলোয়াত করেন জনাব আবদুর রহমান। Sarah Redfern High School এর শিক্ষক ও কমিউনিটি ম্যানেজার Mr. Ross Dummett সংক্ষিপ্ত বক্তব্য রাখেন। Mr. Ross Dummett অত্র স্কুলের শিক্ষাগত মান ও অত্যাধুনিক সকল সুযোগ-সুবিধা উল্লেখ করে অভিভাবকদের অত্র হাইস্কুলে সন্তানদের প্রেরণের অনুরোধ জানান। উল্লেখ্য, বিগত বৎসরে অষ্ট্রেলিয়ান মুসলিম ওয়েলফেয়ার সেন্টার ঈদের জামাত, তারাবীহ সহ বিভিন্ন সভাগুলি অত্র স্কুলের হলরুমগুলি ব্যবহার করে আসছে। সভায় সাধারণ সম্পাদক ড. আনিসুল আফছার বার্ষিক রিপোর্ট পেশ করেন। অতি স্বল্প সময়ে ৫ একর বিশিষ্ট জমি ক্রয় এর অর্থ সংগ্রহের জন্য গৃহীত বিভিন্ন কার্যক্রম এবং ক্রয়কৃত জমির পরবর্তী কার্যাবলীসহ সংগঠনের বিভিন্ন কর্মসূচী ব্যাখ্যা করেন। বিগত বৎসরের বার্ষিক আর্থিক রিপোর্ট পেশ করেন কোষাধ্যক্ষ ড. আবুল কাশেম। সভায় গত আর্থিক বৎসরে ফান্ড রেইজিং, কমিউনিটির সদস্য বাবদ সহ বিভিন্ন অনুদান, বিভিন্ন মসজিদ থেকে সংগৃহীত এবং বিভিন্ন উৎস হতে অর্থের যাবতীয় আয়-ব্যয়ের হিসাব পেশ করেন। সংগঠনে বর্তমানে প্রায় চার শতাধিক আর্থিক সদস্য রয়েছে যার মধ্যে অধিকাংশই লাইফ বা স্থায়ী সদস্য। সাধারণ সম্পাদক ও কোষাধ্যক্ষ উপস্থিত আর্থিক সদস্য/সদস্যদের বিভিন্ন প্রশ্নের উত্তর দেন। সবশেষে সংগঠনের সভাপতি মোফাজ্জল ভূইয়া সংক্ষিপ্ত বক্তব্য রাখেন। তিনি বিগত বৎসরে মসজিদ ভিত্তিক ইসলামিক সেন্টার প্রতিষ্ঠার লক্ষ্যে জমি ক্রয়ে আর্থিক, মানসিক, শারিরীকভাবে

সহযোগিতার জন্য কমিউনিটির সকলকে আন্তরিক ধন্যবাদ ও কৃতজ্ঞতা প্রকাশ করেন এবং আগামীতে সকলের সহযোগিতা কামনা করেন। সবশেষে জনাব মোফাজ্জল ভূঁইয়া দোয়া পরিচালনা করেন।



